

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 45. Zakona o izvršenju Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 14/20), na prijedlog Ministarstva zdravstva, Vlada Zeničko-dobojskog kantona, na 70. sjednici, održanoj dana 21.08.2020. godine, d o n o s i

ZAKLJUČAK

o usvajanju Izvještaja o utrošku sredstava za period januar - juni po Programu utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti - za zdravstvo“

I.

Usvaja se Izvještaj o utrošku sredstava za period januar-juni po Programu utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti - za zdravstvo“, koji je sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02- _____ /20
Datum, 21.08.2020. godine
Zenica

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA ZA PERIOD JANUAR-JUNI
PO PROGRAMU UTROŠKA SREDSTAVA PLANIRANIH U
BUDŽETU ZENIČKO-DOBOJSKOG KANTONA ZA 2020. GODINU
NA POZICIJI „KAPITALNI TRANSFERI DRUGIM NIVOIMA VLASTI - ZA
ZDRAVSTVO“**

Zenica, august 2020. godine

I UVOD

Članom 33. stav (2) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), propisano je da se sredstva utvrđena u razdjelu 21, budžetska organizacija 01, potrošačka jedinica 0001 Budžeta-Ministarstvo zdravstva - pozicija „Kapitalni transferi drugim nivoima vlasti- za zdravstvo“, koriste prema programu utroška, odnosno aktima koje donosi Vlada kantona, a članom 45. stav (4) navedenog Zakona, propisana je obaveza resornih ministarstava da polugodišnje izvjestje Vladu Zeničko-dobojskog kantona o utrošku sredstava.

Vlada Zeničko-dobojskog kantona, na prijedlog Ministarstva zdravstva usvojila je Zaključak o usvajanju Programa utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti- za zdravstvo“, broj: 02-11-4172/20 od 13.03.2020 godine, kojim je planirana potrošnja sredstava u iznosu od 2.550.000,00 KM za sljedeće programe:

1. Kapitalni transferi za JU Kantonalna bolnica Zenica u iznosu 2.150.000,00 KM i
2. Kapitalni transfer za rješavanje problema osposobljavanja izolacionog centra za sprečavanje širenja novog corona virusa u iznosu 400.000,00 KM.

U strukturi planiranih ulaganja iznos od 1.800.000,00 KM odnosi se na nabavku medicinske i nemedicinske opreme, na građevinsko-zanatske radove odnosi se iznos od 250.000,00 KM i nabavku rezervnih dijelova u slučaju kvarova iznos od 100.000,00 KM:

U cilju zaštite stanovništva od zaraznih bolesti, na osnovu usvojenog Programa, Vlada Zeničko-dobojskog kantona je donijela sljedeće odluke:

- Odluku o odobravanju sredstava u iznosu od 400.000,00 KM za neophodne nabavke za osposobljavanje izolacionog centra za sprečavanje širenja novog corona virusa, broj: 02-11-4339/20 od 17.03.2020. godine i
- Odluku o odobravanju sredstava u iznosu 1.652.0000,00 KM za nabavku medicinske opreme nabavku medicinske opreme neophodne za zbrinjavanje pacijenata zaraženih novim corona virusom (COVID-19), broj: 02-11-5001/20 od 27.03.2020. godine.

Vlada Federacije Bosne i Hercegovine je 16.03.2020. godine donijela Odluku o proglašenju stanja prirodne nesreće uzrokovano pojavom corona virusa (COVID-19) na području Federacije Bosne i Hercegovine, V.broj: 408/2020 godine.

Izmjenama i dopunama Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 7/20) planirana sredstva za kapitalne transfere za zdravstvo povećana su na iznos od 4.205.000,00 KM. Navedenim povećanjem sredstava uobzirene su dodatne potrebe JU Kantonalna bolnica Zenica i već donesene odluke o odobravanju sredstava, čiji je cilj sprečavanje širenja bolesti izazvane corona virusom i adekvatna priprema JU Kantonalna bolnica Zenica za novonastalu situaciju izazvanu pandemijom.

Vlada Zeničko-dobojskog kantona, na prijedlog Ministarstva zdravstva usvojila je Zaključak o usvajanju Programa utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti- za zdravstvo“, broj: 02-11-6340/20 od 08.05.2020 godine, kojim je prethodni Program stavljen van snage. Planirana potrošnja sredstava u iznosu od 4.205.000,00 KM za sljedeće programe:

1. Kapitalni transferi za JU Kantonalna bolnica Zenica u iznosu 2.153.000,00 KM i

2. Kapitalni transfer za JU Kantonalna bolnica u svrhu sprečavanja širenja bolesti izazvane novim corona virusom (COVID-19 u iznosu 2.052.000,00 KM.

II REALIZACIJA KAPITALNIH TRANSFERA ZA ZDRAVSTVO

Ukupni troškovi po osnovu kapitalnih transfera za zdravstvo u periodu januar-juni 2020. godine iznose 2.052.000,00 KM, što je 97,6 % linearno planiranih sredstava usvojenih Budžetom Zeničko-dobojskog kantona za 2020. godinu, uz napomenu da se navedeni troškovi u cjelosti odnose na izdavanja u svrhu sprečavanja širenja bolesti izazvane novim corona virusom (COVID-19).

1. Kapitalni transferi za JU Kantonalna bolnica Zenica - planirana sredstva na godišnjem nivou 2.153.000,00 KM

Vlada Zeničko-dobojskog kantona je, u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj 46/10 i 75/13), kao osnivač JU Kantonalna bolnica Zenica, planirala sredstva u Budžetu Zeničko-dobojskog kantona za 2020. godinu u ukupnom iznosu od 2.153.000,00 KM, od čega je za nabavku medicinske opreme planirano 1.658.000,00 KM, nemedicinske opreme 145.000,00 KM, građevinsko-zanatske radove 250.000,00 KM i nabavku rezervnih dijelova 100.000,00 KM:

Redni broj	Vsta ulaganja	Planirana sredstva po Programu utroška
1.	Nabavka medicinske opreme	1.658.000,00 KM
2.	Nabavka nemedicinske opreme	145.000,00KM
3.	Građevinsko-zanatski radovi	250.000,00KM
4.	Nabavka rezervnih dijelova za medicinsku i nemedicinsku opremu	100.000,00 KM
	UKUPNO	2.153.000,00 KM

U skladu sa usvojenim Programom utroška sredstava, JU Kantonalna bolnica Zenica provodi postupak nabavke opreme, građevinskih radova i nabavke rezervnih dijelova u skladu sa Zakonom o javnim nabavkama („Službeni glasnik Bosne i Hercegovine“, broj: 39/14) i planom nabavki ove zdravstvene ustanove usklađenim sa Programom.

Na prijedlog Ministarstva zdravstva, a na osnovu zahtjeva JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona.

U periodu januar-juni 2020. godine nije bilo troškova po navedenom transferu, odnosno nije donesena nijedna odluka o odobravanju sredstava.

Prema informacijama koje je dostavila JU Kantonalna bolnica Zenica u skladu sa usvojenim Programom, JU Kantonalna bolnica Zenica je pokrenula postupke javnih nabavki i to kako slijedi:

Nabavka medicinske opreme

R. BR.	Naziv opreme	Procijenjena vrijednost bez PDV-a	Procijenjena vrijednost sa PDV-a	Faza u postupku
1	Endoskopska oprema	266,000.00	311,220.00	Odluka o izboru od 06.08.2020.
2	Mamograf	95,000.00	111,150.00	Objavljen tender, otvaranje ponuda 19.08.2020.
3	LED operacione hirurške lampe (3 komada)	77,000.00	90,090.00	Objavljen tender, otvaranje ponuda 25.08.2020.
4	Set za rigidnu traheotomiju i ezofagoskopiju	45,000.00	52,650.00	Odluka o pokretanju, pripreme tenderske dokumentacije
5	Endoskopska oprema za urologiju	150,000.00	175,500.00	Urađeno istraživanje tržišta
6	OCT aparat	150,000.00	175,500.00	Urađeno istraživanje tržišta
7	UPGRADE MRI	500,000.00	585,000.00	Izvršeno javno otvaranje ponuda 07.08.2020.
8	Holter Sistem	20,600.00	24,102.00	Odluka o izboru od 24.07.2020.
9	C luk	120,000.00	140,400.00	Ugovor
	UKUPNO	1,423,600.00	1,665,612.00	

Nabavka nemedicinske opreme

R. BR.	Naziv opreme	Procijenjena vrijednost bez PDV-a	Procijenjena vrijednost sa PDV-a	Faza u postupku
1	Vozilo za transport hrane	51,282.00	60,000.00	Objavljen tender, otvaranje ponuda 26.08.2020.
2	Vozilo za infektivni otpad	42,735.00	50,000.00	Objavljen tender, otvaranje ponuda 27.08.2020.
3	Traktor sa priključcima	29,914.50	35,000.00	Objavljen tender, otvaranje ponuda 24.08.2020.
	UKUPNO	123,931.50	145,000.00	

Troškovi izvršenja budžeta na navedenoj poziciji, a nakon okončanja tenderskih procedura, mogu se očekivati u drugom polugodištu ove godine.

2. Kapitalni transfer za JU Kantonalna bolnica u svrhu sprečavanja širenja bolesti izazvane novim corona virusom (COVID-19- - planirana sredstva na godišnjem nivou 2.052.000,00 KM.

U cilju zaštite stanovništva od zaraznih bolesti, na osnovu usvojenog Programa, Vlada Zeničko-dobojskog kantona je donijela dvije odluke o odobravanju sredstava JU Kantonalna bolnica Zenica, a ukupni troškovi po tom osnovu su **2.052.000,00KM**.

2.1. Odluku o odobravanju se sredstava JU Kantonalna bolnica Zenica u iznosu 400.000,00 KM za neophodne nabavke medicinske i nemedicinske opreme i adaptaciju prostora (zgrada Stacionara - dio koji koristi JU Kantonalna bolnica Zenica), broj: 02-11-4339/20 od 17.03.2020. godine. Zgrada Stacionara je Odlukom Kriznog štaba Ministarstva Zeničko-dobojskog kantona za praćenje novog corona virusa, broj: 11-33-1335-16/20 od 04.03.2020. godine određena za izolacioni centar za područje Zeničko-dobojskog kantona, odnosno depadans Infektivnog odjela JU Kantonalna bolnica Zenica gdje će se liječiti lakši slučajevi oboljelih od COVID-19. Sredstva su doznačena JU Kantonalna bolnica Zenica u ukupnom iznosu.

U skladu sa članom 4. Odluke, JU Kantonalna bolnica Zenica je dužna doznačena sredstva pravdati zaključenim ugovorima o nabavci, ispostavljenim fakturama i dokazima o izmirenju obaveza prema dobavljačima o čemu će izvjestiti Ministarstvo zdravstva dostavljanjem navedene dokumentacije hronologijom njihovog nastanka.

JU Kantonalna bolnica Zenica je dopisom od 05.05.2020. godine dostavila sljedeće ugovore o nabavci koji se odnose na finansiranje nabavke opreme i radova koji su finansirani odobrenim sredstvima:

Dobavljač	Ugovor	Namjena	Ugovoreni iznos
„Alfa med“ d.o.o. Tomislavgrad	01-2-31/20 od 23.03.2020.	Instalacija plinova na Odjelu za Infektivne bolesti	68.501,11
„Autocentar Školjić“ d.o.o. Tešanj	33-04-1512/20 od 18.03.2020.	Sanitetsko vozilo sa opremom	99.222,06
„Inel BH“ d.o.o. Maglaj	33-11-1521/20 od 19.03.2020.	Respiratori sa AMV adaptivnim ventilacijskim modulom-2 kom	97.110,00
„Proma“ d.o.o. Sarajevo	33-11-1520/20 od 19.03.2020.	Respirator sa neuralno kontrolisanom ventilacijom (1 kom) i anesteziološki aparat bez monitora (1 kom)	162.630,00
Ukupno			427.463,17

JU Kantonalna bolnica Zenica je 29.07.2020. godine Ministarstvu zdravstva dostavila dopis u kojem je navedeno da se Ugovor koji se odnosi na instalaciju plinova na Odjelu za infektivne bolesti nije finansirao iz ovih sredstava, te je upućen zahtjev da se navedeni radovi finansiraju iz sredstava odobrenih Odlukom broj: 02-11-5001/20 od 27.03.2020. godine, za što je tražena izmjena Odluke o odobravanju sredstava.

Pored toga navedeno je da je „Inel BH“ svojim dopisom broj: MV-D1-205/20 od 10.06.2020. godine, obavijestio JU Kantonalna bolnica Zenica da nije u mogućnosti realizovati Ugovor 33-11-1521/20 od 19.03.2020. godine, te su pokrenute pravne procedure za raskid Ugovora, a u međuvremenu je pokrenuta procedura nabavke 2 respiratora za intenzivnu njegu ukupne vrijednosti 160.000,00 KM, koja će biti finansirana iz sredstava po Odluci 02-11-4339/20 od 17. 03.2020. godine.

O navedenom će odlučivati Vlada Zeničko-dobojskog kantona, nakon usvajanja Informacije o utrošku sredstava po Odluci broj: 02-11-4339/20 od 17. 03.2020. godine i 02-11-5001/20 od

27.03.2020. godine.

2.2. Odluku o odobravanju sredstava JU Kantonalna bolnica Zenica za nabavku medicinske opreme, broj: 02-11-5001/20 od 27.03.2020. godine, kojom je odobreno 1.652.000,00 KM za nabavku sljedeće medicinske opreme u cilju sprečavanja širenja novog corona virusa (COVID-19):

Redni broj	Vrsta opreme	Količina	Ukupna vrijednost u KM
1..	Mobilni RTG aparat	1	30.000,00
2.	Prijenosni UZV aparat sa kardijalnom, linearnom i konveksnom sondom	2	70.000,00
3.. godine	Respirator	5	250.000,00
4.	Transportni respirator	2	70.000,00
5.	Ležeća kolica za unutrašnji transport	20	40.000,00
6.	Defibrilator obični	2	40.000,00
7.	Transportni defibrilator	2	60.000,00
8.	Sanitetsko vozilo	1	100.000,00
9.	Kreveti električni za intenzivnu njegu	34	170.000,00
10.	Antidekubitalni madraci	34	102.000,00
11.	Invazivni monitoring	10	70.000,00
12.	Monitori	50	250.000,00
13.	Perfuzori	50	125.000,00
14.	Infuzomati	50	125.000,00
15.	Aspiratori	50	150.000,00
	Ukupno		1.652.000,00

Sredstva u ukupnom iznosu su teretila Budžet Zeničko-dobojskog kantona za period januar-juni 2020. godine, od čega su plaćene dvije rate u iznosu od 1.102.000,00 KM, a ostala je obaveza za plaćanje 550.000,00 KM.

U skladu sa tačkom 4. Odluke broj: 02-11-5001/20 od 27.03.2020. godine, JU Kantonalna bolnica će pravdati doznačena sredstva zaključenim ugovorima o nabavci, fakturama i dokazima o izmirenju obaveza prema dobavljačima u skladu sa zaključenim ugovorima.

JU Kantonalna bolnica je dostavila Izvještaj o utrošku sredstava po naprijed navedenoj Odluci, broj: 01-02-3389-2/20 od 13.07.2020. godine, sa obrazloženjem utrošenih sredstava.

U sljedećem pregledu dat je spisak zaključenih ugovora za nabavku opreme sa količinama i ukupnim ugovorenim iznosima:

Dobavljač	Ugovor	Namjena	Ugovoreni iznos (sa PDV-om)
„Medpoint d.o.o. Sarajevo	33-11-1501/20 od 25.03.2020.	Mobilni RTG aparat -rabljeni zbog hitnosti nabavke i stanja na tržištu	9.886,50
„Medical“ d.o.o. Mostar	01-11-1786/20 od 16.04.2020.	Prijenosni ultrazvučni aparat sa kardijalnom, linearnom i konveksnom sondom (2 kom)	88.920,00
„Alfa med“ d.o.o. Tomislavgrad	01-11-1812/20 od 27.04.2020.	Respirator-ICU ventilator Elisa 600 za odrasle, djecu i novorođenčat (2 kom)	105.066,00

„Inel BH“ d.o.o. Maglaj	01-11-1809/20 od 17.04.2020.	Klinički respirator za djecu i odrasle (3 kom)-odustalo se od realizacije (dopis Inel BH- raskid ugovora)	167.427,00
„Inel BH“ d.o.o. Maglaj	01-11-1812/20 od 17.04.2020.	Transportni respirator (2 kom)	55.364,40
„Kis product“ d.o.o. Laktaši	33-04-1805 od 17.04.2020.	Ležeća kolica za unutrašnji transport (14 kom)	25.945,92
„Inel BH“ d.o.o. Maglaj	01-11-1810/20 od 11.04.2020.	Defibrilator obični (2 kom)	51.714,00
„Inel BH“ d.o.o. Maglaj	01-11-1808/20 od 17.04.2020. godine	Transportni defibrilator (2 kom)	80.262,00
Auto centar „Školjić“ d.o.o. Tešanj	33-04-1897/20 od 21.04.2020. godine	Sanitetsko vozilo	99.222,06
„Derby trade“ d.o.o. Brčko	33-11-1744/20 od 15.04.2020.	Kreveti električni za intenzivnu njegu (30 kom)	168.480,00
„Proma“ d.o.o. Sarajevo	01-11-1811/20 od 17.04.2020.	Antidekubitalni madraci (4 kom)-tip Autologiq Antidekubitalni madraci (30 kom)-tip Alpha activ	107.640,00
„Alfa med“ d.o.o. Tomislavgrad	01-11-181/20 od 27.04.2020.	Invazivni monitoring (10 kom)	78.030,81
„Alfa med“ d.o.o. Tomislavgrad	01-11-1840/20 od 27.04.2020.	Monitori (20 kom) i centralne jedinice (2 kom)	157.001,36
„Inel med“ d.o.o. Mostar	33-04-1804/20 od 17.04.2020.	Perfuzori (30 kom)	108.985,50
„Inel BH“ d.o.o. Maglaj	01-11-1871/20 od 21.04.2020.	Infuzomati (20 kom)	73.710,00
„Inel BH“ d.o.o. Maglaj	01-11-2232/20 od 23.04.2020.	Aspiratori (10 kom)-mali	46.215,00
„Medical“ d.o.o. Mostar	01-11-2233/20 od 23.04.2020.	Aspiratori (5 kom) veliki	51.187,50
Ukupno			1.475.058,05

Iz naprijed navedenih podataka je vidljivo da postoje određena odstupanja u ugovorenim iznosima u odnosu na planirane iznose za pojedinačne nabavke. Razlozi za navedeno su u činjenici da se u uslovima velike potražnje za opremom koja je bila predmet nabavke, kao i nestabilnom tržištu, nije mogao sa sigurnošću planirati iznos potrebnih sredstava.

Treba napomenuti da se radilo o hitnim nabavkama u cilju obezbjeđenja neophodne opreme za uspješno sprečavanje širenja virusa COVID-19.

Postoje i određena odstupanja u količinama koje su nabavljene, te je u nekim slučajevima nabavljeno manje opreme nego što je planirano, a razlozi su, uglavnom što je bilo teško obezbjeđiti dovoljne količine zbog velike potražnje.

Napominjemo da se u nabavkama nije odstupilo od vrste opreme koja je nabavljana, a da u ukupnom iznosu nisu prekoračena planirana sredstva.

Pored navedenog treba napomenuti da je jedan ugovor o nabavci raskinut i nije realizovan. Naime, dopisom dobavljača „Inel BH“ d.o.o. broj: MV-D1-314/20 od 10.06.2020. godine, JU Kantonalna bolnica Zenica je obaviještena da se po Ugovoru broj: 01-11-1809/20 od 17.04.2020. godine ne može izvršiti isporuka 3 klinička respiratora za djecu i odrasle, jer je

proizvođač navedenih respiratora IMT Medical obavijestio „Inel BH“ da iste ne može isporučiti. Na osnovu dostavljenih informacija JU Kantonalna bolnica je pokrenula proceduru raskida Ugovora broj: 01-11-1809/20 od 17.04.2020. godine.

Imajući u vidu navedeno ukupno zaključeni ugovori za nabavku opreme za borbu protiv COVID-19 iznose 1.307.631,05 KM, te se u skladu sa sadašnjim potrebama za uspješnu borbu protiv COVID-19, JU Kantonalna bolnica Zenica obratila zahtjevom broj: 01-02-3389-2/20 od 13.07.2020. godine za izmjenu navedene Odluke, kojom bi neutrošena sredstva bila preusmjerena na sljedeće:

Instalacija plinova na Odjelu za Infektivne bolesti	68.501,16
Građevinski radovi za opremanje JU Kantonalna bolnica Zenica za borbu protiv COVID-19	275.867,79
Ukupno	344.368,95

O navedenom će odlučivati Vlada Zeničko-dobojskog kantona, nakon usvajanja Informacije o utrošku sredstava po Odluci broj: 02-11-4339/20 od 17. 03.2020. godine i 02-11-5001/20 od 27.03.2020. godine.

MINISTAR

dr Adnan Jupić